

Plaid Genedlaethol Cymru.

YMREOLAETH NEU AFREOLAETH.

1. LLYWODRAETH ANGHYFIAWN YW LLYWODRAETH ESTRON

Nid oes gan Lywodraeth Loegr, nag unrhyw Lywodraeth Estron arall, mo'r **AMSER** na'r **WYBODAETH** am Anghenion Arbennig Cymru, na'r **CARIAD** at ein Cenedl, i fedru Llywodraethu Cymru.

"Ni rydd Llywodraeth Lloegr gymaint ag un diwrnod y flwyddyn ar gyfartaledd i drin materion Cymru," medd Mr Lloyd George.

"Codais faterion Cymreig yn y Cyffredin o dro i dro; fe driniwyd hwy bob amser gyda diystyrwch haerllug," medd Major Goronwy Owen, A.S.

TESTUN CHWERTHIN YW CYMRU YN SENEDD LLOEGR

Cwawdir ein Cenedl gan ein Llywodraethwyr:—

Yn Nhy Cyffredin Senedd Lloegr: Medd Mr Greenwood: "Yn ôl deddf 1746 y mae'r gair *Lloegr* yn cynnwys Cymru" (**Chwerthin**).

Dro arall, Mr W. John: "Onid yw'r Canghellor yn tybio bod gan y Cymru hawl i'r un breintiau a chyfleusterau â'r Saeson?" (**Chwerthin**).

Eto: Mr Muggeridge, aelod seneddol Sosialaidd, yn sôn am Gymraeg: "A ydyw'r Gweinidog yn meddwl y dylid cadw'n fyw yr ieithoedd barbaraidd hyn?" (**Chwerthin**).

2. CYMRU YN Y GEGIN CEFN, LLOEGR YN Y PARLWR

Tlodi a Diffyg Gwaith ac Afiechyd a ddygydd i Gymru gan Lywodraeth Estron ac Anghyfiawn

Safon Byw Isaf :

Yng Nghymru y mae'r safon byw isaf ym Mhrydain.

Diffyg Gwaith Cwaethaf :

O 1932 i 1936, bu cyfartaledd diffyg gwaith yng Nghymru rhwng 80% a 120% yn uwch nag yn Lloegr. Mehefin, 1936, Lloegr—11.6% yn ddiwaith, Cymru—30.1%.

Colli Poblogaeth :

Rhwng 1901 a 1931, allan o dair-ar-ddeg o siroedd Cymru, aeth poblogaeth wyth yn llai.

Symudodd dros 350,000 o Gymru allan o Gymru rhwng 1931 a 1935. Cynyddodd poblogaeth Lloegr 2,000,000 rhwng 1921 a 1935.

Afiechyd Cwaethaf :

- i. Yn 1934, yr oedd pump o siroedd Cymru yn uwch na dim un yn Lloegr mewn marwolaethau o'r darfod-edigaeth ; allan o 62 sir yng Nghymru a Lloegr, yr oedd deg o siroedd Cymru ymhlith y 15 uchaf.
- ii. Yn 1934 yr oedd cyfartaledd marwolaethau mamau ar esgor 55% yn uwch yng Nghymru nag yn Lloegr.

Dyna ffrwyth CHWERTHIN ein Llywodraethwyr

LLOEGR YN CAEL Y FFAFRAETH— CYMRU'N CAEL Y GWAETHAF

Pan ystyriwyd dau gais gan Senedd Lloegr, am grant i Eisteddfod Genedlaethol Cymru ac am grant i Opera

Genedlaethol Lloegr, CHWARDDDWYD am ben cais Cymru, a rhoddwyd miloedd o bunnoedd i Opera Lloegr.

Dim Diwydiannau Newydd i Cymru :

Yn 1934, sefydlwyd 477 o ddiwydiannau newydd yn Lloegr ; yng Nghymru sefydlwyd *un* yn unig.

Ar awr gyfyng ar Lowyr De Cymru, medrodd llywodraeth Lafur Lloegr yn 1924 roddi dwy filiwn o bunnoedd i agor pyllau glo newydd yng Nghaint (Kent).

3. "MAWR ELW FYDD YMREOLAETH"

**"YMREOLAETH I BOB CENEDL"
yw egwyddor fawr gwareiddiad,
egwyddor sylfaenol Cynghrair y
Cenedloedd.**

Gormes a chulni yw gwrthwynebu rhyddid ac ymreolaeth i bob cenedl.

Senedd Cymwys :

Bydd gan Senedd Gymreig AMSER a GWYBODAETH a CHARIAD at Gymru—tri pheth hanfodol i lywodraeth gyfiawn.

Cymru'n ddigon o faint :

Y mae 16 o genhedloedd llai eu poblogaeth na Chymru yn aelodau o Gynghrair y Cenedloedd, a pob un yn fwy llwyddiannus o lawer na Chymru.

Cymru'n gyfoethog :

Y mae Cymru'n gyfoethocach mewn adnoddau na dim rhan o'i maint ym Mhrydain.

Ymreolaeth yn Rhatach :

Y mae hunan-lywodraeth bob amser yn rhatach na llywodraeth estron.

Ymreolaeth i Achub Cymru

Ymreolaeth i sicrhau Heddwch: Dan Ymreolaeth, caiff Cymru ddilyn llwybr heddwch yn ôl ei hanian ei hun; a hefyd ei rhyddhau o gostau rhyfeloedd Lloegr, sydd yn £300,000,000 bob blwyddyn. Heb ymreolaeth, bydd Cymru ynghlwm wrth gerbyd rhyfel Lloegr.

Ymreolaeth i ddatblygu Diwydiannau: Llywodraeth Cymru a ddatblyga ddiwydiannau Cymru a sefydlu rhai newydd lawer; mae llywodraeth Loegr yn gofalu eu sefydlu yn Lloegr yn unig—477 o rai newydd yn Lloegr yn 1934 a dim ond un yng Nghymru. Dan lywodraeth Loegr, nid oes ond mwy eto o ddifodiant yn aros diwydiannau Cymru.

Ymreolaeth i achub iaith a diwylliant: Ymreolaeth yn unig a all achub iaith a diwylliant Cymru a'r Genedl Gymreig. Marw yn raddol a wnaeth iaith a diwylliant pob cenedl gaeth fel Cymru—hyd nes iddynt ennill rhyddid ac ymreolaeth.

Y M U N W C H A

PLAID GENEDLAETHOL CYMRU i ennill rhyddid ac ymreolaeth i Gymru.

At yr Ysgrifennydd, Swyddfa'r Blaid, Caernarfon:

- Hoffwn
1. wybod sut y gallaf ymuno â'r Blaid Genedlaethol.
 2. gael copi enghraifft rhad o'r DDRAIG GOCH, papur misol (2c.) Cymraeg y Blaid.
 3. gael copi rhad o'r papur Saesneg misol (1c.) y WELSH NATIONALIST.

Arwyddwyd

Cyfeiriad